



Universitätsbibliothek Paderborn

**DE TRIBVS BONORVM || operum generibus,||
ELEEMOSYNA,|| IEIVNIO ET ORATIONE;|| deque eorundem
operum vi, vsu, & || ratione, LIBRI TRES,|| AVCTORE ||
THEODORO PELTANO SO-||cietatis IESV Theologo.|| AD ...**

Peltanus, Theodor Anton

Ingolstadii, 1580

Capitis Primi Periocha. De eleemosyna, ieunio, & oratione generatim &
secundùm se absolutè.

[urn:nbn:de:hbz:466:1-46891](https://nbn-resolving.de/urn:nbn:de:hbz:466:1-46891)

QVÆ INTER BONA
OPERA, PRIMARIASQVE SATIS-
FACTIONIS NOSTRAE PARTES
PRINCIPATVM OBTINET,

LIBER PRIMVS.

*De Eleemosyna, Ieiunio, & Oratione generatim & se-
cundum se absolute.*

CAPVT PRIMVM.

DE BONORVM OPERVM GENERIBVS,
nostræque Satisfactionis partibus disputaturi,
maioris ordinis lucisque causa, quid Satisfactionis nomine designetur, breuiter hoc loco
repetere vñsum est. Satisfactione itaque genera-
tim accepta, est integra rei debitæ solutio, vel
iniuriæ alteri illatae iusta compensatio. Pressius sumpta est opus,
quo Deo de admissa offensa fit satis.

Quid nomine
Satisfactionis de-
signetur.

HANC in imperfectam, perfectam, & absolutè iustam distri-
buere licet. Primum Satisfactionis genus, (vt quod nulla, neque
legis, neque operis quoque iustitia nitatur) peccatoribus cum iu-
stis commune est. Secundum in homines iustos tantum conue-
nit. Tertium soli CHRISTO est proprium: hic vñus enim pro
omnibus mortalium omnium peccatis ea plenitudine & libertate
fecit satis, vt ex parte præstitæ Satisfactionis, iure nihil amplius
exigi possit.

Triplex Satis-
factionis genus.

NOSTRA, quam veteres Canonicam appellabant, est opus,
vel actio, qua poenæ tempore definitæ reatus aboletur: Nam etsi
culpa condonata, æternæ mortis supplicium apud inferos con-
stitutum semper condonetur, temporaria tamen poena non sem-
per.

Christi Satis-
factione cumulata.

CVR non semper? quia Diuinæ iustitiae ratio deposcebat, vt
aliter in gratiam reciperentur, qui ante Baptismum per ignoran-

Non omnis sem-
per poena cum
noxia aboletur.

A tiam

DE ELEEMOSYNA

tiam deliquerant, aliter verò, qui semel à peccati, & dæmonis servitio liberati, DEI templum denuo violare, & Spiritum sanctum, quem gratis acceperant, iterum contristare veriti non fuerant.

Cause plures
cur nō tota sem-
per pœna vna
cum culpa con-
donetur.

Pœna, vt pœna
tantum est, non
expiat.

Omnis meriti
& Satisfactionis
basis & funda-
mentum est crux
Christi.

Tract. de no-
stra Satisfact.

Duo ad saluta-
rem Satisfactione-
nem sunt neces-
saria.

1. Cor. 13.

Efficax Satisfa-
ctio præter gra-
tiam, deposita
opus sua natu-
ra molestum.

Omnia merito-
ria & Satisfa-
ctoria opera ad
tria capita re-
fari possunt.

At hæc DEI Opt. Max. clementiam, eiusdemq; sapientiam decebat, ne ea facilitate peccata nobis condonaret, vt occasione hinc accepta, peccata leuiora arbitrati, in grauiora subinde prolaberemur. Constat namque pœnas satisfactorias magnopere à peccato reuocare, pœnitentesq; veluti freno quodam intra recti limites continere. Tandem cum peccatum citra iniustam oblationem ferè non confletur, consentaneum erat, vt citra iustum quoque pœnam non expiaretur.

INTERIM non ea vis inest pœnae, vt pœna tantum est; sed vt CHRISTI sanguine imbuta, ad qualemcunque peccati vindicta suscepta est. Solius namque crucis & sanguinis CHRISTI pondere, nostræ perpessiones & actiones apud DEVM valent, quicquid tandem valent. Sine illo enim nulla prorsus estimatione dignæ haberentur; ex illo verò id consequuntur, vt & verè sint satisfactoriae, & verè rursus proprieque æternæ vita meritoriae.

Quæ hactenus sunt exposita, vel breuiter potius ex alio ope-
re repetita, duo inter cætera ad salutarem & efficacem Satisfactionem necessaria esse ostendunt: Alterum horum est, vt is, qui satisfacit, sit iustus, Christoq; per gratiam adiunctus: Opera namque, quæ sine fide & charitate fiunt, vt ex se meritoria non sunt; ita de iustitia nec Satisfactoria quoq;; notum est enim illud Apostoli: Si distribuero in cibos pauperum omnes facultates meas; et tradidero corpus meum, ita vt ardeam, charitatem autem non habuero, nihil mibi prodest.

ALTERVM est, vt opus eiusmodi suscipiatur, quod sua natura sit molestum, esto Satisfactioni operam danti molestiam nullam adferat: Neque enim omnes, qui in molestis actionibus sese exercent, doloris sensum statim hauriunt. Sæpe namque, vel patienti consuetudo, vel incensa in DEVM charitas efficit, vt quæ perpessu alioqui sunt grauiissima, ne sentiantur quidem: Neque ob id tamen non sunt Satisfactoria; siquidem ea doloris vacuitas non prouenit ex operis indole, sed ex operantis qualitate.

MOLESTORVM autem operum, et si varia sunt nomina & genera, attamen pro bonorum ratione, quæ possumus, hostiūq; numero, à quibus infestamur, & ad peccatum subinde pro loca-
mur,

mur, omnia ad tria capita referri solent, nempe ad Eleemosynā, Ieiunium, & Orationem. Oratione placamus & promeremur D E V M; Eleemosyna, bene meremur de proximo; Ieiunio sanamus nos ipsos. Ieiunio rursum pugnamus cōtra carnis concupiscentiam; Eleemosyna contra oculorum cupiditatem; Oratione contra vīta superbiam. Oratione tandem flagellamus diabolum; Ieiunio comprimimus lasciuientē carnis sensū; facultatum abdicatione calcamus mundi fastum.

V N V M Q V O D L I B E T horum trifariam, propriè videlicet, communiter, & vulgatissimè accipipoteſt. Orat propriè, qui rem honestam à D E O efflagitat: Communiter, qui mente in D E V M ascendit, vel rerum diuinarū meditationi incumbit: Communisimè, qui bene agit: dici enim solet, eum semper orare, qui nūquām cēſſat benefacere. Ad eundem modum is propriè ieiunat, qui ab omnibus, vel aliquibus eſcis, ſecundūm legis præſcriptum abſtinet. Communiter, qui opus quodcunque, quo carnis petulantiam comprimat, exercet. Communisimè, qui ab omni opere vitioso ſe contineſt. Sic tandem propriè Eleemosynam donat, qui panem, vel pecuniam, vel quamlibet rem aliam egenti gratis propter D E V M præbet. Communiter, qui quodus spiritale, vel corporale beneficium alteri, propter D E V M, vel naturalem cōſiderationem, exhibet. Vulgatissimè, qui opus quodcunque miſericordia ſibi vel alteri præſtat: quō Salomon ſpectans, *Miferere*, Eccles. 39. inquietabat, animæ tuæ placens Deo.

Oratio ieiuniū
& Eleemosyna
trifariam acci-
piuntur.

I E I U N I U M itaque communiter ſumptum, complectitur vi- gilias, peregrinationes, ἔροφαγίας, χαμενίας, cilicia, flagella, cæ- teraque omnia effrenatam carnis libidinem coērcere nata: Ora- tio omnis generis spiritalia munia; vt ſunt rerum cœleſtium me- ditatio, Diuini verbi prædicatio, ſacrorum voluminum expla- natio, hæresum oppugnatio, aliaque eiusmodi non paucā: Eleemo- syna legata ad pias cauſas, ſtatas ἀγάπας, miferorū tutelas, noſo- comiorum, orphanotrophiorum, gerontocomiorum ædificatio- nes, vel benignas eorundem fundationes; omnia denique chari- tatis officia egenti propter D E V M inpenſa.

Ieiunium, ora-
tio & Eleemo-
syna communi-
ter accepta latè
patent.

C A E T E R V M vt tria hæc Satisfactionis noſtræ partes cōſtitu- untur, non vſurpantur propriè: aliās enim diuſio illa multò, quam par est, anguſtior foret. Conſtat namq; multò plura eſſe

Ieiunium ora-
tio & Eleemo-
syna, vt noſtræ
Satisfactionis
partes conſtitu-

DE ELEEMOSYNA

4
 unetur, nō usur-
 pantur propriè-
 aut co mmuni-
 simē, sed com-
 muni quadam
 ratione.

Satisfactionis officia, quām tria illa pressē sumpta. Neq; usurpan-
 tur rursus communissimē: nam aliās membra illa se inuicem in-
 cluderent. Siquidem oratio latissimē accepta comprehendit
 omne opus bonum; Ieiunium excludit omne opus malum; Ele-
 mosyna complectitur omne charitatis officium sibi vel alteri
 propter D e v m exhibitum. Usurpantur autem communi quadā
 ratione. At verò licet res ita habeat, nos tamen intra propriam
 cuiusque notionem nos continebimus: esset enim laboris infi-
 niti ea omnia hoc loco explicare, que generali quadam ratione
 ad Eleemosynam, Ieiunium, & orationem referuntur.

GENTIVM Doctor Eleemosynam iustitiae, Ieiunium sobrie-
 tatis, orationem pietatis vocabulo alicubi designat; scribit enim:
Apparuit gratia Dei Salvatoris nostri, erudiens nos, ut abnegantes impietatem,
& secularia desideria, sobrietate, pietate, & iustitate in hoc saeculo vivamus. Sobrietate
debemus nobis, iustitiam proximo, pietatem D e o. Sobrietate
rursus celestem vitam inchoamus, iustitia confirmamus,
pietate consummamus. Sobrietas tandem conciliat admirationem,
iustitia benevolentiam, pietas reverentiam: Miramur namque, si
boni sumus, castos & sobrios; exoscularum beneficos; veneramur
pios & religiosos.

Matth. 6.
Christus Do-
minus uno cō-
muni iustitiae
vocabulo Ieu-
nium, Eleemo-
synam, & ora-
tionē comple-
titur.

CHRISTVS Seruator noster omnia hæc, uno communī iu-
 stitiae nomine complectitur: *Attendite, ait, ne iustitiam vestram faciat*
coram hominibus, ut videamini ab illis, alioqui mercede non habebitis apud
Patrem vestrum, qui est in cælis. Et ne, de qua iustitia istud assereret, clā
 esset, statim subiungit: *Cùn ergo facias Eleemosynam, noli tuba canere ante*
*te, sicut hypocrita faciunt in Synagogis, & vicis, ut honorificentur ab homi-
 nibus. rursus: Cùm oratis, non eritis sicut hypocrita, qui amant in Synagogis*
& angulis platearum stantes orare, ut videantur ab hominibus. tandem:
Cùm ieiunatis nolite fieri sicut hypocrita tristes: exterminant enim facies suas,
ut appareant hominibus ieiunantes. Hæc ille de tribus Christianæ iusti-
 tiae membris, nostræque Satisfactionis partibus.

Serm. 43.
 De arcta porrò trium horum inter se necessitudine, mirificā-
 que corundem virtute Petrus Chrysologus Rauenatum Antistes
 alicubi ita scribit: Tria sunt, fratres, per quā stat fides, constat
 deuotio, manet virtus. Oratio, Ieiunium, & misericordia. Quod
 oratio pulsat, impetrat Ieiunium, misericordia accipit. Oratio,
 misericordia, & Ieiunium, sunt tria hæc unum, dant hæc sibi inui-
 cem

L I B E R P R I M V S .

cem vitā. Est namq; Orationis anima Ieiunium, ieiunij vita mi-
sericordia est. Hæc nemo rescindat, nesciunt separari. Hæc Chry-
sologus de familiariorationis, ieiunij, & Eleemosynæ societate.
De earundem autem vi, dum iuncto agmine incedunt, in eodem
sermone hæc subiicit.

S i volumus Moysi gloriæ, Heliæ vitæ, Ioannis virtutibus o-
mniumque Sanctorū meritis applicari, infistamus orationi, vace-
mus ieiunio, seruiamus misericordia. Qui in his vixerit, qui per
illa fuerit communitus, iacula peccati, diaboli tela, mundi machi-
nas, vitiorum cuneos, mala carnis, voluptatū laqueos, arma mor-
tis Christianus armiger non timebit, & infrā:

H A E C sunt, fratres, quæ tenent cœli arcem, quæ secretum
D E I iudicis pulsant, quæ ante C H R I S T I tribunal causas humani
generis exequuntur, quæ iniustorum petunt indulgentiam, reo-
rum veniam promerentur. Hæc cui in cœlestibus non assistunt,
ipse non subsistit in terris. Hæc cùm in cœlestibus principatum
obtineant, in terris rerum summam moderantur. Hæc regunt
prospera, hæc aduersa propellunt, vitia extinguunt ista, virtutes
ista succendunt, hæc reddunt casta corpora, corda pura; hæc pa-
cem membris, mētibus dant quietem, humaos ista sensus scho-
lam faciunt disciplinæ. Per hæc in templum D E I humana pectora
consurgunt. Hæc hominem præstant Angelum, homini deitatis
deferunt hæc honorem. Hucusque Chrysologus.

S P E C T A T huc quoque hæc Magni Leonis oratio: tria sunt,
quæ maximè ad religiosas pertinent actiones, Oratio videlicet,
Ieiunium, & Eleemosyna, quibus exercendis omne quidem tem-
pus acceptum est; sed illud est studiosius obseruandū, quod Apo-
stolicis accepimus traditionibus consecratum. Oratione D E I
propitiatio queritur, ieiunio concupiscentia carnis extinguitur,
Eleemosyna peccata redimuntur. Hæc triplex obseruantia, dile-
ctissimi omnium virtutum comprehendit effectus; Hæc ad ima-
ginem & similitudinem D E I peruenit, & à Spiritu sancto insepa-
rables facit. Quia in oratione permanet fides recta; in ieiunio
innocens vita, in Eleemosyna mens benigna.

E T hæc rursum Bernardi: Triā sunt, à quib⁹ abstinere de-
bent, quicunque iustificari desiderant. Primo vtique ab operibus
prauis; secundo à carnalibus desideriis; tertio à sœculi curis. Item

Orationis ani-
ma Ieiunium,
ieiunij vita mi-
sericordia.

Admirabiles
Eleemosynæ,
ieiunij & oratio-
nis vices dō cō-
ficiantur.

Serm. 1. de ieiū-
mense Sept.

In sent. sec. 16.

A 3 tria

6 D E E L E E M O S Y N A

Matth. 6.

De perfect. iu-
stit. resp. 13.Eleemosyna vo-
lat ad celum per
orationem & ie-
junium.Ieiunium, Elees-
mosyna, & ora-
tio alia & alia
ratione se inui-
cem excedunt.Matth. 17.
Marci. 9.Eleemosyna p-
rter adiuncta
ceteris potentis
expiat.

tria sunt, quibus debent insistere, quæ etiam continet sermo Domini in monte, Eleemosyna, iejunium, & oratio. Sic enim adimpletur iustitia, dum ab interdictis vitiis abstinent, & bona, quæ præcepta sunt, exercent. Opponantur ergo prauis operibus, opera misericordia: contra carnalia desideria, adhibeantur ieunia, & pro curis sæculi succedat amor Dei, & frequentia orationis.

Et hæc tandem Aurelij Augustini. Iustitia hominis in hac vita iejunium, Eleemosyna, oratio. Vis Eleemosynam tuā volare ad Deum, fac illi duas alas, iejunium, & orationem. Similia de ieunij, orationis, & Eleemosynæ vi, germanaq; eorundem societate, pasim obvia sunt apud alios. Vix enim scriptorē veterem compieras, qui hæc veluti sc̄cia vniuersaliam corporis membra non connectat, admirandasque efficiendi vires eisdem non tribuat.

A t̄ verò licet tria hæc consociata, magna vi polleant; attamen à se inuicem diuulsa suum quoque robur obtinent. Ecquodnam ex illis maius inquis? Hoc vno verbo definiri non potest, nam vt singula aliam atque aliam considerationem admittunt; ita si singula alia atque alia ratione se inuicem excedunt. Considerari enim possunt, vt vitæ aternæ sunt meritoria; vt præteriorum scelerum expiatoria; vt quædam prophylactica animi pharmaca; vt in hæc vel illa incident tempora; vt ab hoc tandem vel illo, hac vel illa suscipiuntur de causa. Hæc enim omnia illorum vires augere & diminuere nata sunt. Nulli enim dubium est, si spectentur, vt sunt quædam spiritales medicinae peculiaribus animi morbis oppositæ, quin vnum vni morbi generi magis aduersetur, quam alterum: Neque enim frustra à Domino dictum est: *Hoc genus daemoniorum non ericitur, nisi in oratione & iejunio.* Sic quoque vt non idem semper ieunantium, aut precantium, aut Eleemosynam erogantium est mentis status, nec eadem corporum constitutio, nec eadem externorum commodorum facultas; ita non idem quoque ab omnibus prouenit méritum: vni namque copiosius méritum obtingit ex iejunio, alteri ex orationis studio, alteri ex erogato in egenos patrimonio.

VERVMENIMVERÒ, quod hæc, aliaque similia sunt extra operum, de quibus hic sermo est, naturam; dici queat, vt rationis particeps, virtute in se complectitur sensu & vita præditum; ita Eleemosynam, quasi totum quoddam potentiale, utriusque operis vim

vim in se continere, adeoque propter amplitudinem illam ceteris potentius expiare. Nam qui eo, quo par est, animo Eleemosynam erogant, non solum C H R I S T V M in suis membris recreant, sed certa quadam ratione oratione quoque litant, & iejunat. Nam, vt Philosopho placet, dona iis sunt affinia, quae D E O con-secrantur. Plurimum ad hæc, qui dandis Eleemosynis dediti sunt, quo comodiū id, quod student, præstare valeant, parciūs sumptus faciunt; at hæc interim Eleemosyna ex adiunctis habet.

Q u o d si illam à iejunio & oratione, tanquam membrum ab illis prorsus distinctu disiungas, primas inter Satisfactionis officia partes iejunio tribues: siquidem pari posita charitate ceteris que ex æquatis, illud opus est magis Satisfactionis, quod maiore molestiam, vel pœnam ex se adiunctā habet (Nam in Satisfactione, ex parte operis necessaria, & quasi intrinseca conditio est molestia vel pœna) iejunatio autem sua natura magis cruciat, quam oratio, vel Eleemosyna distributio. Secundum se itaque iejunium est magis Satisfactionis, quam Eleemosyna.

N e c oppositum euincunt, qui Eleemosynæ inter bona opera primatum tribuunt: Nam et si communi lege, omne opus meritorium, simul quoque sit Satisfactionis, non est tamen idem prorsus mereri, quod satisfacere: meritum namque eiusdemque quantitas præcipue spectatur ex operis bonitate: Quare quo vnumquodque opus secundum se fuerit præstantius, eo magis est meritorium: At verò Satisfactione, quod ad debitæ pœnæ expiationem depositatur, exigit quidem opus bonum, potissimum tamē, quod in ea spectari solet, est molestia & crux: pœna namque per pœnam pensatur. Cum ergo iejunium magis affligat & cruciet, quam oratio & Eleemosyna, expiabit & redimet his quoque efficacius; ex adiunctis tamen Eleemosyna ceteris expiat poten-tiūs.

E t hæc de iejunio, Eleemosyna, & oratione, ut nostræ Satisfactionis partes sunt, generatim dicta sint, nunc de singulis seorsum est differendum, & primò quidem de Eleemosyna: Huic nāque C H R I S T V S Dominus primum, inter Christianæ iustitiae partes, locum assignat.

Ethicor. 4.

Ieiunium inter
puras Satisfac-
tionis partes
primas obtinet.

Etsi omne opus
meritorium simul
etiam sit Satisfac-
tionis, non
idem tamē esse
mereri, quod
satisfacere.

Matth. 6.

De iis,